

Evening Dogri News Bulletin, 26 June 2025

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- 1 उपराज्यपाल मनोज सिन्हा होरें आखेआ जे पिछले बरे दे मुकाबले इस बरे अजें तगर होए दे पंजीकरण च 10 फीसद दी गिरावट दर्ज कीती गई ऐ। मेद ऐ जे एह गिनतरी अगगे बढोग।
- 2 सुरक्षाबलें उधमपुर थवां चनैनी तगर राश्ट्री जरनैली शिडक पर संयुक्त मॉक ड्रिल कीती। एह औंदी श्री अमरनाथ जात्तरा दी तैयारिएं दे मद्देनजर ही।
- 3 उधमपुर दे बसंतगढ इलाके च सुरक्षाबलें दे घेरे च फंसे दे 4 आतंकवादिएं चा इक दा सुरक्षाबलें सफाया कीता। अभियान अजें जारी।
4. मुख् सचिव होरें आखेआ जे मिशन युवा जम्मू कश्मीर च युवाएं दे जीवन च जीवन च बदलाव आहना रदा ऐ। उनें श्रीनगर च एस.बी.डी.यू ते बी.एच.डी मिम्बरें लेई आयोजित सत्र दी श्रीनगर च अध्यक्षता कीती।
5. नशीले पदार्थे दी रोकथाम ते गैर कनूनी तस्करी खिलाफ कुल संसारी ध्याडा अज्ज जम्मू खित्ते दी बक्ख-बक्ख थाहरें पर मनाया गेआ।

<><><><><><>

LG-PC

उपराज्यपाल मनोज सिहा होरें अज्ज आखेआ जे 22 अप्रैल दी घअना शा पैहले श्री अमरनाथ जी दी यात्रा लेई 2.36 लक्ख शा मते तीर्थ यात्रियें पंजीकरण कराया ऐ ते कुल तौरा पर दिक्खेआ जा ते पिछले बरे दे मकाबले 10.19 फीसदी गिरावट आई ऐ। उपराज्यपाल होरें हालांकि मेद जताई ऐ जे औने आहले दिनें च एह गिनतरी दोबारा बधी जाग। श्रीनगर च इक प्रेस कांफ्रेंस गी संबोधित करदे होई एल.जी होरें आखेआ जे 22 अप्रैल थमां पैहले 2 लक्ख 36 ज्हार 801 लोकें दा पंजीकरण होआ हा। इस घटना दे बाद ममूली गिरावट आई ही, पर कल तक 85 ज्हार शा मते तीर्थ यात्रियें अपनी यात्रा दी पुष्टि कीती ऐ। इस मौके पर बोलदे होई एल.जी होरें आखेआ।

<><><><><><>

Mock-Drill

सुरक्षाबलें 3 जुलाई थमां शुरू होने आहली सालाना श्री अमरनाथ जात्रा दी तैयारी दे चलदे एन.एच-44 उधमपुर दे सरोरा इलाके थमां शुरू होइयै चनैनी तक दे हिस्से च व्यापक सांझी मॉक ड्रिल कीती। एह मॉक ड्रिल सीनियर सुप्रींटेंडेंट ऑफ पुलिस उधमपुर अमोद अशोक नागपुरे हुंदी दिक्ख-रिक्ख च कीती गेई। इस मॉक ड्रिल च जम्मू-कश्मीर पुलिस, एन.डी.आर.एफ, एस.डी.आर.एफ, 137 बटालियन सी.आर.पी.एफ, भाती सेना, सेहत मैहकमा ते फायर एंड इमरजेंसी सर्विसिस सने मती सारी एजेंसिएं हिस्सा लैता। इस मौके पर बोलदे होई एसएसपी उधमपुर अमोद अशोक नागपुरे होरें आखेआ।

<><><><><><>

Encounter

उधमपुर जिले दे बसंतगढ़ इलाके च सुरक्षाबलें ते आतंकवादियें बश्कार भखे दे टाकरे च इक आतंकवादी मारेआ गेआ ऐ। मन्नेआ जा रदा ऐ जे इनें 4 आतंकवादियें पर पिछले 1 बरे थमां नजर रक्खी जा करदी ही। एह टाकरा

उसलै भखेआ जिल्लै फौज ते पुलस नै अज्ज बडुलै बसंतगढ दे दूर-दरेडे इलाके बिहाली च इक खास सूह मिलने पर तपाशी अभियान शुरू कीता। जम्मू रेंज दे इंस्पेक्टर जनरल ऑफ पुलिस भीमसेन तूती होरें दस्सेआ जे अज्ज बडुलै साड्डे 8 बजे दे करीब आतंकवादिएं कन्नै एहू टाकरा भखेआ। इस बारे होर जानकारी दिंदे होई भीमसेन होरें आखेआ।

<><><><><><>

Padri Bhal Padri Road

इको टूरिज्म गी बढ़ाव देने ते डोडा जिले च जनजातीय समुदाय गी शिडकें राएं जोड़ने लेई 13.20 करोड़ रुपें दी लागत आहली पाडरी-बहल पदरी भाल शिडक परियोजना पूरी होने दी कगार पर ऐ। 2022 च शुरू होई दी इस शिडक परियोजना बारै होर मती जानकारी दिंदे होई भद्रवाह दे पीडब्ल्यूडी दे एग्जीक्यूटिव इंजीनियर राजेंद्र कुमार होरें आखेआ।

इस बारै होर गल्लबात करदे होई उत्थुआं दे इक बसनीक अथर खुर्शीद नाथू होरें आखेआ।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम “मन की बात” राएं देश-विदेश दे लोकें कन्नै अपने विचार सांझे करडन। एहू इस कार्यक्रम दी 123मीं किशत होगा। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे ना। लोक अपने विचार ते सुझा नरेंद्र मोदी ऐप या फी My Gov open forum पर भेजी सकदे ना। विचार सांझा करने ते सुझा भेजने दी खीरी तरीक 27 जून ऐ।

<><><><><><>

SC-Mission Youth

मुख्य सचिव अटल डुल्लू होंरें अज्ज आखेआ जे मिशन युवा इक परिवर्तनकारी आंदोलन ऐ जेदा मकसद पूरे जम्मू-कश्मीर च युवाएं गी आर्थिक तौरा पर ते मानसिक तौरा पर बदलना ते सशक्त बनाना ऐ। उनें एह गल्ल श्रीनगर दे बैक्रेट हॉल च मिशन युवा तैहत लघु कारोबार विकास इकाई ते कारोबार हेल्प डेस्क दे सदस्यें लेई इक दिनै दे सत्र दी अध्यक्षता करदे होई आक्खी। सभा गी संबोधित करदे होई मुख्य सचिव होंरें इस गल्ला पर जोर भरेआ जे मिशन युवा युवाएं दी इस मानसिकता गी दूर करने दी कोशश करा'रदा ऐ जे सरकारी नौकरी गै इकमात्र करियर ऐ। डुल्लू होंरें कारोबार दे विकास ते समुदाय दे उत्थान च सहूलियत देने लेई इक मजबूत आर्थिक इकोसिस्टम बनाने दा आह्वान कीता।

<><><><><><>

International-Day-Drugs

अज्ज नशीले पदार्थें ते गैर कनूनी तस्करी रोधी अंतरराष्ट्री ध्याडा मनाया जा'रदा ऐ। एह ध्याडा नशीले पदार्थें शा मुक्त अंतरराष्ट्री समाज दा लक्ष्य हासल करने लेई कार्रवाई ते सहयोग मजबूत करने दा आह्वान करदा ऐ। प्रधानमंत्री मोदी होंरें अपने इक स्नेह च जंदी 12 जून थमां अज्जै तोडी नशामुक्त भारत पखवाडा मनाने लेई नशीले पदार्थें दे नियंत्रण सरबंधी ब्यूरो-एन.सी.बी दी सराहना कीती ऐ। आकाशवाणी कन्नै गल्लबात करदे होई एसएसपी एंटी नार्कोटिक्स टास्क फोर्स जेएण्डके मोहम्मद अनवर उल हक होंरें युवाएं गी नशे थमां दूर रौहने दी अपील कीती कीजे जम्मू-कश्मीर च नशा तस्करी स्हाढी औने आहली पीढियें गी तबाह करने आस्तै स्हाढे गोआंडी मुखें दी इक साजिश दा हिस्सा ऐ। इस मौके पर बोलदे होई मोहम्मद अनवर उल हल होंरें आखेआ।

<><><><><><>

International Day Drug Abuse

नशीले पदार्थें ते गैर कनूनी तस्करी रोधी अंतरराष्ट्री ध्याडे दे सिलसिले च जम्मू क्षेत्र दे बक्ख-बक्ख थाह्रें पर जागरूकता अभियान चलाए गए। एहदा मकसद मादक पदार्थें दे दुरुपयोग दे खलाफ लड़ाई होर करना ऐ। इनें कार्यक्रमें च विद्यार्थियें, मकामी लोकें, पुलस कर्मियें ते प्रशासन दी सक्रिय भागीदारी दिक्खी गई। रियासी च इस सिलसिले च मुख्य थाह्रें पर रैलियें दा आयोजन कीता गेआ जेदे च मती गिनतरी च लोकें हिस्सा लैता ते हत्थें च

तखितयां फगडी नशामुक्त समाज गी बढावा देने आहले नारे लाए। इस मौके पर बोलदे होई डी.सी रियासी निधि मलिक होरें आखेआ।

नशे दी रोकथाम लेई इक मते महत्वै आहली गेंऽ दे तौरा पर डोडा दे सोशल वेलफेयर मैहकमे नै लोके गी नशे दी कवैतु बारै जानकारी देने लेई कार्जक्रम दा आयोजन कीता। इस कार्जक्रम दी अध्यक्षता डी.सी डोडा हरविंदर सिंह होरें कीती। इस कार्जक्रम बारै बोलदे होई उनें आखेआ।

इससै चाल्ली किशतवाड़ दे जिला समाज कल्याण दफ्तर नै डिस्ट्रिक्ट किशतवाड़ ते गौरमैंट डिग्री कालेज किशतवाड़ कन्नै रलियै नशीले पदार्थे ते गैर कनूनी तस्करी रोधी अंतराश्ट्री ध्याड़े दे मौके पर जागरूकता शिविर दा आयोजन कीता। इस कार्जक्रम च तकरीबन 1200 लोके हिस्सा लैता जेदे च विद्यार्थी, फैक्लटी सदस्य ते मकामी लोक शामिल हे। आकाशवाणी कन्नै गल्लबात करदे होई ए.सी.आर किशतवाड़ इद्रीस लोन होरें आखेआ।

<><><><><><>